



საჯარო სამართლის იურიდიული პირი
ილიას სახელმწიფო უნივერსიტეტი



ბრძანება

ქ. თბილისი

N 59-03

23/01/2026

**სსიპ ილიას სახელმწიფო უნივერსიტეტში საბაკალავრო პროგრამაზე – “არქიტექტურა (ძირითადი სპეციალობა)”
გარე და შიდა მობილობის მსურველ პირთათვის შემოქმედებითი ტურის რეგისტრაციის ვადებისა და
პირობების დამტკიცების შესახებ**

„უმაღლესი განათლების შესახებ“ საქართველოს კანონის 22-ე მუხლის პირველი პუნქტის, საქართველოს განათლებისა და მეცნიერების მინისტრის 2013 წლის 11 სექტემბრის №134/ნ ბრძანებით დამტკიცებული „საჯარო სამართლის იურიდიული პირის ილიას სახელმწიფო უნივერსიტეტის წესდების“ მე-18 მუხლის მეექვსე პუნქტის, რექტორის 2024 წლის 15 აპრილის N745-03 ბრძანებით დამტკიცებული „სსიპ ილიას სახელმწიფო უნივერსიტეტის ბიზნესის, ტექნოლოგიისა და განათლების ფაკულტეტის საბაკალავრო პროგრამის “არქიტექტურა (ძირითადი სპეციალობა)” შემოქმედებითი ტურის დებულების“ საფუძველზე, რექტორის 2026 წლის 21 იანვრის N45-03 ბრძანების, ბიზნესის, ტექნოლოგიისა და განათლების ფაკულტეტის დეკანის 2026 წლის 22 იანვრის N887-35 სამსახურებრივი ბარათის გათვალისწინებით,

ვბრძანებ

1. სსიპ ილიას სახელმწიფო უნივერსიტეტის საბაკალავრო პროგრამაზე “არქიტექტურა (ძირითადი სპეციალობა)”, გარე და შიდა მობილობის მსურველ პირთათვის, შემოქმედებითი ტურზე ელექტრონული რეგისტრაციის ვადა განისაზღვროს 2026 წლის 26 იანვრიდან 29 იანვრის ჩათვლით ბმულზე: <https://forms.gle/icV9NonGhuAcKebA7> ;
2. ელექტრონული რეგისტრაციისას განაცხადთან ერთად წარმოდგენილ უნდა იქნას პირადობის დამადასტურებელი დოკუმენტი. უცხო ქვეყნის მოქალაქის შემთხვევაში - პასპორტის (ან პირადობის მოწმობის) სანოტარო წესით დამოწმებული თარგმანი;
3. იმ შემთხვევაში თუ აბიტურიენტი შშმ ან/და სსსმ პირია და საჭიროებს სპეციფიკურ საგამოცდო გარემოს, აღნიშნული უნდა მიუთითოს განცხადებაში და წარმოადგინოს შესაბამისი დამადასტურებელი დოკუმენტი (სათანადო ცნობა).
4. შემოქმედებითი ტური ჩატარდება ამ ბრძანების დანართში მოცემული პირობებისა და ვადების შესაბამისად.
5. დაევალოს ბიზნესის, ტექნოლოგიისა და განათლების ფაკულტეტს, უზრუნველყოს შემოქმედებითი ტურის ჩატარების დროისა და ადგილმდებარეობის შესახებ უნივერსიტეტის ვებ გვერდზე ინფორმაცია განათავსოს არაუგვიანეს 2026 წლის 2 თებერვლისა მხოლოდ უნიკალური საიდენტიფიკაციო კოდისა და შესაბამისი ინფორმაციის მითითებით.
6. შემოქმედებითი ტური ილიას სახელმწიფო უნივერსიტეტში ჩატარდეს 2026 წლის 3 თებერვალს.
6. დაევალოს ბიზნესის, ტექნოლოგიისა და განათლების ფაკულტეტს, შემოქმედებითი ტურის შედეგები განათავსოს უნივერსიტეტის ვებ გვერდზე ერთი თვის ვადით, არა უგვიანეს 2025 წლის 5 თებერვლისა მხოლოდ უნიკალური საიდენტიფიკაციო კოდისა და მიღებული შედეგის მითითებით.

7. შემოქმედებითი ტურის შედეგებთან დაკავშირებით სააპელაციო განაცხადების მიღება იწარმოებს 2026 წლის 6 თებერვალს შემდეგ ელექტრონულ მისამართზე: archadmissions@iliauni.edu.ge

8. სააპელაციო განაცხადების განხილვა მოხდება 2026 წლის 9 თებერვალს.

9. დაევალოს ბიზნესის, ტექნოლოგიისა და განათლების ფაკულტეტს, საბოლოო შედეგები უნივერსიტეტის ვებ გვერდზე განათავსოს ერთი თვის ვადით არაუგვიანეს 2026 წლის 10 თებერვალს, მხოლოდ უნიკალური საიდენტიფიკაციო კოდისა და შესაბამისი შედეგის მითითებით.

11. ბიზნესის, ტექნოლოგიისა და განათლების ფაკულტეტის დეკანს დაევალოს, 2026 წლის 2 თებერვლამდე გამოსცეს ინდივიდუალური ადმინისტრაციულ-სამართლებრივი აქტი არქიტექტურის საბაკალავრო პროგრამის შემოქმედებითი ტურის ფარგლებში წარმოდგენილი ნამუშევრების შემფასებელი და სააპელაციო კომისიების შექმნის შესახებ.

12. დაუშვებელია სააპელაციო კომისია შედგებოდეს იმ პირებისგან, რომლებსაც მონაწილეობა აქვთ მიღებული შემფასებელ კომისიაში.

15. უნივერსიტეტის საზოგადოებასთან ურთიერთობის სამსახურს დაევალოს ამ ბრძანების გამოქვეყნება უნივერსიტეტის ვებ გვერდზე და ამ ბრძანებაში მითითებული ინფორმაციის გაცნობა დაინტერესებულ პირთათვის.

16. საინფორმაციო ტექნოლოგიების სამსახურის უფროსის მოადგილეს ირინე ბაზლადეს დაევალოს, ამ ბრძანებაში მითითებული ინფორმაციის გაცნობა ყველა ფაკულტეტის/სკოლის სტუდენტებისათვის სასწავლო პროცესის მართვის ელექტრონული სისტემა „არგუსის“ მეშვეობით;

17. უნივერსიტეტის კანცელარიას დაევალოს ამ ბრძანების დაინტერესებულ პირთათვის საჯარო წესით გაცნობა თვალსაჩინო ადგილზე ბრძანების გამოკვერის გზით;

18. უნივერსიტეტის კანცელარიას დაევალოს, მიაწოდოს ამ ბრძანების ასლები ყველა ფაკულტეტს/სკოლას, რექტორის აპარატს, საერთაშორისო სტუდენტებისა და პროგრამების მარკეტინგის სამსახურს, ადმინისტრაციული პროცესების კოორდინაციისა და მართვის სამსახურს, სტუდენტურ საქმეთა დეპარტამენტს, საზოგადოებასთან ურთიერთობის სამსახურს, ხარისხის უზრუნველყოფის სამსახურს, იურიდიულ სამსახურს, საინფორმაციო ტექნოლოგიების სამსახურს, უნივერსიტეტის კანცელარიას, ადმინისტრაციის ხელმძღვანელს, რექტორის მოადგილეს, საერთაშორისო ურთიერთობების სამსახურს, განვითარების სამსახურს, დაცვისა და უსაფრთხოების სამსახურს, ბიბლიოთეკას, შემოსავლების აღრიცხვისა და ანალიზის დეპარტამენტს, მატერიალური რესურსების სამსახურს.

ნინო დობორჯგინიძე



რექტორი

